

僊居縣志卷之三

寺觀

僊以王溫霞舉得名而葛元蔡經諸人復先之而標  
乃異焉灌頂卓錫安洲沙湧地平見于羅提刑適之  
記矣若清微截掌祖照馴龍更不可謂偶然者非山  
川靈奇默相之耶宐羽客緇流日益顛而蘭若芝宮  
之煥乎相望也然民饒而後遵捐助營葺今邑被寇  
焚匪一室廬丘墟計無復之尙能急所緩乎故昔之  
幢影鐘聲多任其鞠于青燐白草已爾噫卽此以觀  
僊之民力而民力可知矣

僊居縣志

卷之三 寺觀

寺 洪武二十四年分禪講教三宗收并各寺僧千叢林

顯慶寺

縣西五十步舊在紫籜山下名顯元梁天監二  
年建隋大業元年廢唐貞觀十年重建天寶六  
年徙今址先是其地爲任丞相昉別業薤花鑿  
渠亭榭佳麗俾三子絃誦其中名曰幞頭園以  
東至巷南至官街北至後孔廟西缺一隅形似  
之也故昉有幞頭流水記載別選因神光現捨  
爲寺會昌五年廢大中二年復建宋祥符元年  
改今額大觀初僧像寧夢神告曰鉄山洞有二

柱盍取之寤往視果然乃別創應真閣于側宣  
和燬于寇越三年復建乾道五年增葺淳祐八  
年延燎再剏未竣元至元二十四年又燬明永  
樂十四年僧清諤清逸又建嘉靖三十四年令  
姚服璜修之天啓六年後殿與山門圯僧復初  
重建 國朝康熙二十年僧印生徒祇如剏準提  
閣于前大殿後規制頗宏偉時際縮乏未觀厥  
成按寺方圍約廣四十畝明正德嘉靖間歲大  
稔命編賣天下寺觀隙地爲民基僅存今僅  
存其坐 寺東有水月堂順治四年僧德進重建

儒居縣志

卷之三

寺觀

二

金像寺

縣西四十里卽白塔寺舊名聖像唐垂拱三年  
建五代韋氏所捨宅因斷地得石佛像故名宋  
治平二年有石若布袋和尚狀自海上浮至色  
綉如金人取其屑以愈疾焉改賜今額宣和寇  
燬紹興十二年又建

廣度寺

縣北三十里紫籜山上舊在西隅名瑞峯唐天  
寶元年剏造晉天福中重建宋宣和間賜今額  
紹興二十年僧蘊璋徙今址德祐中吳堅入政

府請爲香燈後仍歸寺在山頂中梵宇最爲弘  
廠流水環遶桑麻蔚然如平地左右小刹凡六  
有雙闕棲鳳亭諸勝 國朝燬于寇順治十八  
年弘覺師法徒巨靈重建

### 護聖寺

縣東南四十五里方岩之麓初名護民唐乾寧  
四年淨悟大師建在岩頂上後圯宋紹興十六  
年重建改今址元至元丙子燬于兵明萬曆間  
繕葺頗麗寺前有塘二號雙鑑亭師顏師所鑿  
灌田甚廣

## 僑居縣志

### 卷之三 寺觀

三

### 三學寺

縣東二十里舊名西仁梁天鑒元年重建改額  
通明宋咸平七年又重建乾道中賜今額宋僧  
願鴻碑有云前枕寒溪後連翠竇項斯之宅可  
尋麻姑之峯堪陟曉月開林香分玉篆秋花出  
定苔滿石床

### 普信寺

縣南四十里陽峯之巔舊名興國前五代宋開  
寶八年建宋治平三年賜額滕山有孟一孟二  
者捨沃田一千六百畝入寺廢久 國朝康熙

八年僧蓮舟重建

廣嚴教院

縣東北十二里白雲山麓宋慶曆三年建傳昔羅漢榮尊者常演法于茲頗有泉林之勝

集福寺

縣東北十里廣嚴寺之右宋天聖二年建明天啓元年僧無偏重建後廢 國朝康熙十一年僧服一與法侶元明誅茅鋤棘居之復成梵宇焉

大興教院

僑居縣志

卷之三

寺觀

四

縣東十里石牛之北東漢興平元年建初名石頭禪院前五代宋開寶間改今額襟山帶溪清幽岑寂旁有石壁高十餘丈廣稱之鑿大佛二字放生潭在其前 國朝康熙間僧性磊性徹掛瓢于此

福延寺

縣西南四十五里十三都境卽下葉寺宋天禧三年建舊傳僧清徹卓錫之地有猛虎順伏焉 康熙十八年僧德光結茅以居

萬安寺

縣西南五十五里舊名萬壽在萬竹山之足遠溪而入翠岫森羅所謂好山行恐盡流水語相隨者也唐乾符中建宋天聖六年改今額旁有斗起亭建炎中禱左丞昂捐三千金繕之歲久俱壞 國朝康熙十六年僧雲曇重建蔚成巨刹

### 崇相寺

縣西南三十里東山之麓舊名雲峯在西平坡中前五代宋開寶中建宋天禧元年圯于水移今址元至順四年里人吳里仁爲廣州判官僧

### 倦居縣志

#### 卷之三

寺觀

五

尙昱募之重建紺宇魏峩明永樂十年修葺更極宏麗後廢 國朝康熙十七年僧雪明重建正覺寺

縣南八里山之巔前五代宋開寶八年建舊名珠頭岩宋治平三年改賜今額上有洞米油天然自至殆神輸者日以膳寺之僧後有僧鑿廣之冀多得遂止石龍在其側鱗角嶄然稱海內奇觀寺圯久僧晉珂與徒寶環重建

### 善音寺

縣西南六十五里二十都姚岸之內唐廣明八

年建名招福宋治平五年重建改今額有鐘聞  
百里宋末亂兵欲取之不能得一日俄騰空飛  
去寺廢久今僧文苑重建

### 淨樂教院

縣西南八十里唐咸通三年建名興樂宋治平  
三年改今額北有石筍屹立飛泉從空而下名  
曰湫峯明萬曆間僧水心修葺最稱莊麗 國  
朝初寇環踞出沒傾壞無存康熙七年天童法  
裔雄于英剪荆重建興爲叢席

### 慧門寺

### 居縣志

### 卷之三

### 寺觀

### 六

縣西南五十五里十九都境宋天聖二年建寺  
前有金剛梵像最爲奇古疑非人工可及

### 明聖寺

縣南十五里二十六都境左右皆山歛竹流水  
遶之宋景祐五年建

### 興道院

縣南三里南峯之上宋慶曆中建舊名興善治  
平三年改今額明永樂十八年僧宗讚重建寺  
臨大溪之上最堪登眺山光水色遠近撩人久  
祀 國朝順治五年僧寂用鑄鐘結宇始成大

觀

奉聖教院

縣西南十五里二十五都嶺背之北前五代宋隆興中建舊傳僧宗秀誦經蓮葉自地湧出故俗呼爲蓮塘今廢

南寶相院

東寶相縣東二十里唐昭宗元年建天聖四年賜額宋淳熙三年重建寶祐中以租人慈濟倉後廢明王文通勅葬其址西寶相縣西五十五里梁天監二年建名梁興宋大中祥符元年改今額紹興二十二年重建今亦廢

儒居縣志



卷之三

寺觀

七

覺海院

縣東三十五里宋建炎三年建今廢

多福院

縣東南十五里宋慶曆三年建旁有分翠軒今俱圯

宣妙教院

縣西北三十里郭岩後山麓後五代漢乾祐二  
年建宋紹興五年重修

法明禪院

縣西南四十里唐乾符三年建舊名景星宋治平三年改今額紹興元年重建

### 殊聖敎院

縣西北五十里九都紫岩山麓舊名奉國宋治平中改今額明永樂間僧以他事詔獄寺奉廢康熙戊午庠生張相維覽岩壑幽奇鳴於當事延臨濟法裔梅芳重建助田貳拾畝爲香燈資治平敎院

縣西六十里唐建中三年建舊名廣業宋祥符元年改今額元時夏若水捨田入寺夏氏兄弟

### 儒居縣志

### 卷之三 寺觀

八

皆顯貴所篆寺碑猶有剝落不易讀

### 慈安禪院

縣東北三十五里仙坪山後宋建炎三年建久圯今康熙十五年僧寂用拓址重建

### 興化禪院

縣西北四十里郭坦山上前五代宋開寶八年里人趙姓鄭姓布金創建至今祠之爲神最顯赫宋紹興三年修國朝初寇燬康熙六年知縣事鄭錄勲捐俸延弘覺恣師法裔巨源重建其地多奇巒麗壑堪供游玩詳郭坦山



崇教講院

縣南三十里三十五都平田山中宋祥符二年  
建靖康元年重建普岸師卓錫處也元僧馬聖  
亦顯異于此明天啓間僧勇况重建

淨梵院

縣西南十五里靈山之麓寺前萬側建于梁天  
監中宋宣和盜起清溪延萬又遍浙東院因燬  
宋紹興五年僧梵臻募金重建時購大木不得  
一夕溪水忽漲得大木沙磧中衆謂其有神相  
云呂東萊爲作記 國朝初寇壞今巨源徙天

儂居縣志

卷之三

寺觀

九

機結茅居之

精嚴禪院

縣西十五里唐乾符間建舊名靈泉宋治平三  
年改今額水冲廢久

普勝禪院

縣東北三十五里三井坑內東坑嶺下舊名興  
國五代間建唐長興二年修宋治平四年重建  
俗呼三井寺

靈峯院

縣東北三十五里麻姑山下舊名西山寺宋乾

道五年建久圯康熙丁未僧松白剏焉旁有八景之勝孝廉應名明經應昌元皆有詩載別選  
鷲峯院

縣東南三十里宋宣和間建名幽禪爲西域神僧越連尊者道場靖康五年改今額廢久今康熙己丑僧孤圓重建旁有一字峯荷花池伏地  
猴鸚鵡峯諸勝

淨居院

縣西南五十里景星岩之巔唐貞觀三年建宋吳芾俾僧行機重建歲久圯僧義方妙湛修葺

倦居縣志

卷之三

寺觀

十

國朝初僧石奇湛菴居之順治十二年寇王廷棟踞爲砦幾廢今僧應五興爲叢林上有鹿頸雲軒諸勝詳景星岩

正貞院

縣東南六十里歸龍山唐天寶九年僧靜觀建宋紹興二年重建俗呼爲朱溪寺

廣福禪院

縣西南一百三十里舊名靈壽宋咸平三年建乾道三年改今額卽黃皮寺在萬山之中與永

嘉聯界

清修教院

縣西南四十里橫街鮑側前五代宋開寶間建  
宋開禧元年重修

寶積院

縣東南三十里宋治平三年建紹興十八年重  
建寶祐間琢石爲佛像卽秀溪之雙廟寺

梵巖院

縣西四十里柯橋頭之左山中宋元祐六年建  
廢久 國朝康熙十七年僧卓慈披蓑重建

普光院

儒居縣志

卷之三

寺觀

十一

縣西南八十里前宋開寶五年建

崇善院

縣南四十里宋祥符二年建明隆慶元年重建  
後廢 國朝康熙元年僧谷潛瑛興爲叢席俗  
呼西石菴旁有金獅屏石樓窻羅漢灣白龍潭  
伏虎崗相慕嶺諸勝羅列

淨勝尼院

縣西南五十里唐將陳長官所捨宅晉天福中  
賜額寶勝宋治平三年改今額紹興四年修今  
圮

大仁尼院

縣西南四十五里呂前地宋紹興十七年建今廢

福應尼院

縣東二里福應山上明成化間侍御王存忠捐金俾僧祖愿建刹鑄鐘初浮屠以壯一邑之勝今廢

普應尼院

縣西北二十里唐貞觀元年建宋宣和中燬于寇

儒居縣志

卷之三

寺觀

三

壽寧尼院

縣西北二十年宋大觀元年建紹興四年重建壽昌禪院

縣西五十五里一峯山之麓明成化間張別駕遜志別墅後捨為禪刹歲久圯今僧居之

平政堂

迎暉門外明萬曆王祿圭助建

法華堂

慶豐門外明成化間潘六子布地助建

結茅

興善堂

薰風門外明萬曆間王田南助建

護國堂

拱辰門外明萬曆間張廷揚助建

萬善堂

省新門外明萬曆間建崇禎十五年張源滙捐

金重建

藏經堂

田市北康熙十一年僧智白募建

普惠堂

儒君縣志

卷之三

寺觀

十三

在夏閣東明嘉靖間尚書應大猷布地建今康

熙十八年其孫應昌元應昌禧應慕陶延僧

重建

新建堂

馬蹄山之北麓今名大覺禪院原潘氏宅也宋

徐宜議裔孫真宗與徒如魁于明萬曆十八年

購其址剏為梵宇今康熙十七年僧鑑明更新

之規制頗偉其徒德宗係湖廣人京口營把總

先是奉調恢復僭城一日過之遂祝髮皈依力

贊其成焉

永鎮堂

舊十都山聚明萬曆二年茂才林一鳳林

建

慶豐堂南武場側明天啓間茂才張鍾啓張相謨市地

國朝康熙十年知縣魏國麟改名福源寺命僧宗德重建

普濟堂

官路橋側 國朝康熙二年僧月朗月相重建

觀

純熙觀

縣東南十五里括蒼山下峯迴溪抱舊名峽山

僊居縣志

卷之三 寺觀

古

後漢吳赤烏元年葛玄至此見慶雲現西北遂

築室煉丹事聞詔建候神館後周長壽中詔加

崇飾唐中和間火今丹井猶存乾祐中觀之龍

虎神見夢于吳越王復新之宋慶曆間又夢于

邑人吳用堯因重修道士胡道崇荆昊天閣政

和中用堯孫請改今額宣和燬于寇紹興五年

重建今廢應司寇大猷勅葬其址

凝真宮

縣東南三十五里括蒼洞唐天寶七年有慶雲

覆洞因建宮焉宋天禧二年賜額光宗書瓊章

寶藏賜道士陳會真鎮之宣和寇燬建炎元年  
重建

隱真宮

縣東南二十五里舊名隱元梁天監五年建後  
漢吳蔡經故宅先是王遠得道飛昇游括蒼過  
經家餌以金丹經遂尸解越四年七夕經同王  
真人駕五色雲龍旌節導從甚都名父老見之  
又邀麻姑至曰不接奉五百年矣乃迭進椒棗  
金盤玉斝具極珍異後以酒遍飲家人遂盡室  
上昇今有石春杵存焉事聞詔建宮

儒居縣志

卷之三 寺觀

五

紫虛道院

縣南一百步元至治間道士吳初隱建

葆真道院

縣東南三十五里元至元二十四年道士翁道  
全建翁森爲之記

赤城天谷道院

縣西七十里邑人應祖欽建

補遺

西菴寺

縣西五十里舊十七都界宋雪崖禪師卓錫其

地輿爲叢刹有雙巒架口天柱插空觀音洞獅子峯瀑布水幘頭岩仙人盞石象鼻鎖澗八景之勝明吳左都時來少常藏修于此遺像猶存圯久萬曆癸未僧廣正重建今康熙十九年僧曉正修葺